

LAM BU DIIS

CEERNO SEYDU SÀLL

Puukare, maa di lawbe

Puukare, maa di gawlo

Nga toog ci sa mbaar

Tëggal ma lam bu diis

Suy ci deretu gor

Ngir jamono yëkkati sama tur

Yéegé ma juróom-ñaareelu asamaan

Maa ngi nii daanu

Sama ndigg li damm

Bor daldi gas sama bàmmeel

Jiite mbooloo mi may waaj a rob

Robaale doomi-Bor

Ak sèti-Bor

Woykat yi ma daan joobe

Ñoo ma fentaloon woy naan :

« Jamono ci yax bu réy la jóge

Tey jii deret mooy alal »

Maa ngi nii ndóol be

Ñu ni lawbe ak géwél

Ñooy samay way-jur

Lam bu diis ba

Dindee nañu ko ci sa loxo

Takk ci sagar

Puukare, yaa di gisleen ma

Moone ya raw guddi gu lëndëm kəriis